

मार्निंग डोगरी न्यूज़ बुलेटिन,

समें. 09.20 Hrs

Headlines

1. लेफ्टिनेंट गवर्नर मनोज सिन्हा होरें आखेआ ऐ जे उं'दा प्रशासन, पाकिस्तान दी गोलाबारी करी प्रभावत होए दे बसनीकें दी आबादकारी लेई केन्द्र सरकार दी मदाद लैने गितै इक व्यापक योजना पर कम्म करै करदा ऐ।
2. एलजी सिन्हा होरें जम्मू-कश्मीर च हिंसा जां नागरिक अशांति ज्नेयी घटनाएं दे शिकार लोकें लेई सींधी सहायता च बाद्दे दा ऐलान कीता ऐ।
3. मुख्मन्त्री ओमर अब्दुल्ला होरें आखेआ ऐ जे जम्मू-कश्मीर च हर इक अवाज गी सुनियै ओह्दे पर लोडचदी कार्रवाई बी कीती जाह्गा। उं'नें आखेआ ऐ जे उं'दी सरकार, लोकें दे जायज मसलें गी हल करने लेई वचनबद्ध ऐ।
4. जम्मू-कश्मीर सरकारै प्रदेश च महत्वपूर्ण ढांचे दी हिफाजत लेई साबका फौजिएं दी तैनाती गी मंजूरी देई दिती ऐ।
5. मंत्री जावेद राणा होरें रजौरी जिले दा दौरा लाइयै हालात दा आंकलन कीता ते जारी राहत सरबन्धी हीलें दा जायजा लैता ऐ।

<><><><><><>

LG-Kupwara

उपराज्यपाल मनोज सिन्हा होरें कुपवाड़ा दा दौरा लाया ते तंगधार सैक्टर च पाकिस्तान आसेआ बिजन उकसावे दे कीती गेदी भारी गोलाबारी करी होए दे नुकसान दा जायजा लैता। अपने दौरे दौरान उनें मकामी लोकें कन्नै गल्ल कीती ते प्रशासन आसेआ पूरी मदद ते सहायता दा पूरा भरोसा दोआया। उपराज्यपाल होरें आखेआ जे केंद्र थवां मदद लैने आस्तै इक व्यापक योजना बनाई जा रदी ऐ तां जे प्रभावित होई दी परतिए बहाली च मदद कीती जाई सकै। उनें जिला प्रशासन गी आखेआ जे ओहू बंकर बनाने आहले कम्मै गी तेज करना। उनें आखेआ जे सुरक्षा ते पुर्णबहाली आहला कम्म सब्बनें दी सांझी जिम्मेदारी ऐ। मीडिया कर्मिएं कन्नै गल्ल करदे होई उनें आखेआ।

<><><><><><>

LG-Ex Gratia

इक्क बड्डे फैसले दे तैहत लेफ्टिनेंट गवर्नर मनोज सिन्हा होरें हिंसा जां ऐसी कुसै घटना दे दरान आम नागरिकें ते सरकारी कर्मचारिएं दी मौत होने, दिव्यांग होई जाने जां जख्मीं होने दी सूरतै च सुरक्षा सरबन्धी खर्चें तैहत दिती जाने आहली सींधी राहत सहायता दी रकम च बाद्दे दा ऐलान कीता ऐ। आम नागरिक दी मौती दी सूरतै च दिती जाने आहली राहत सहायता गी 1 लक्ख रुपें शा बधाइयै ढाई लक्ख रुपे जदके स्थाई दिव्यांग होने दी सूरतै च डेढ लक्ख रुपे करी दित्ता गेआ ऐ। इस्सै चाल्ली सरकारी कर्मचारिएं दे मामले च इस रकम गी 5 गुणा बधाइयै 5 लक्ख रुपे करी दित्ता गेआ ऐ। ईआं गै साबका पुलस कर्मी दी मौती दी सूरतै च एहू रकम 4 लक्ख रुपे जदके स्थाई तौर पर दिव्यांग होने दी सूरतै च डेढ लक्ख रुपे करी दिती गेई ऐ। इस्सै चाल्ली ग्राम रक्षा गार्ड दी मौती दे मामले च एहू राहत सहायता ढाई लक्ख रुपे ते स्थाई तौर पर दिव्यांगता दी सूरतै च डेढ लक्ख रुपे कीती गेई ऐ। ज्यूटी पर तैनात मैजिस्ट्रेट दी मौती दे मामले च इस सींधी सहायता गी बधाइयै 5 लक्ख रुपे ते स्थाई तौर पर दिव्यांग होई जाने दे मामले च इस रकम गी बधाइयै डेढ लक्ख रुपे करने दा ऐलान कीता गेआ ऐ।

<><><><><><>

CM-Rabita

मुख्यमंत्री उमर अब्दुल्ला होंरें राबिता दफ्तर च केई सारे प्रतिनिधिमंडलें ते नागरिकें कन्नै मलाटी कीती। उनें सब्बनें दा सकारात्मक सुझाएं लेई धन्नवाद कीता। उनें लोकें दिएं समस्याएं दा हल पूरी हमदर्दी ते फौरी तौर पर करने लेई अपनी बचनबद्धता गी दोहराया। उनें जोर देइयै आखेआ जे जम्मू-कश्मीर दे हर नागरिक दी अवाज गी सुनेआ जाग ते ओदे पर लोड मूजब कार्रवाई कीती जाग। लोक पहले आहले नजरिए पर जोर पांदे होई उनें आखेआ जे सरकार समावेशी बी होग ते जिम्मेदार बी। मीडिया कर्मिं कन्नै गल्ल करदे होई मुख्यमंत्री होंरें बन्ने कन्नै लगदे इलाकें च हाल च होई दी गोलाबारी करी प्रभावित इलाकें च कीते जा'रदे कम्मै ते लोकें दी सुरक्षा लेई अपनाए जा'रदे हीलें गी बी उजागर कीता। उनें आखेआ।

<><><><><><>

Dar-Farms

राई-बाई दी पैदावार सरबन्धी मंत्री जावेद अहमद डार होंरें अलाओपोरा ते पडगामपोरा आहले एग्रीकल्चर फार्मर्स दा दौरा लाया ते राईबाई दे विकास सरबन्धी स्कीमें दी अमलावरी ते कम्मकाज दा जायजा लैता। अपने दौरे दौरान मंत्री होंरें इनें थाहरें पर सरकार आसेआ चलाई जा रदी गतिविधिएं दा व्यापक जायजा लैता। उनें राईबाई दी पैदावार ते बीएं दे म्यार गी बदाने लेइ, कीते जा रदे जत्तें दा बी जायजा लैता। मीडियाकर्मियें कन्नै गल्ल करदे होई उनें आखेआ।

<><><><><><>

JK-Ex Service Men

समुदायिक सुरक्षा गी तगडा बनाने दी दिशा च इक्क बड्डी गैह पुट्टे होई जम्मू-कश्मीर दी सरकार, प्रदेश दे सब्बनें 20एं जिलें च महत्वपूर्ण ढाचें दी हिफाजत लेई 4 जहार साबका फौजिं दी तैनाती दी मंजूरी देई दित्ती ऐ। एह साबका फौजी, बिजली स्टेशनं ते पुलें जनेय महत्वपूर्ण ढाचें दी सुरक्षा दी जिम्मेदारी निभाडन। ओह जिला सैनिक वैलफेयर दफ्तरें हेठ मुकामी पुलस ते प्रशासन दे तालमेल कन्नै अपनी जिम्मेदारिं गी अंजाम देडन। इनें साबका फौजिं गी एक्कडे कम्मं लेई वर्दियां, उपकरण ते सिखलाई वगैरा बी उपलब्ध करोआई जाहगा। एह पैहलकदमी, सिविल ते फौज दी सांझ-भ्याली आहली इक अनोखी गैह ऐ जेहदे तैहत तजुर्बेकार साबका फौजिं गी जम्मू-कश्मीर च सुरक्षा सरबन्धी जिम्मेदारियां दित्तिआं जाडन।

<><><><><><>

Rana-Rajouri

बन्ने पर हाल दे समें दरान बनी दी तनोतनी दी पच्छोकडै च जल शक्ति मंत्री जावेद अहमद राणा होंरें कल बन्ने आहले जिले रजौरी दा दौरा लाइयै उत्थे बने दे हालात ते जारी राहत सरबन्धी जतनें दी समीक्षा कीती। अपने दौरे दरान मंत्री होंरें जिला अधिकारिं ते लोकें आसेआ चुने गेदे नुमाइंदें कन्नै मलाटी करियै विकास सरबन्धी महत्वपूर्ण पैहलकदमिं ते बन्ने आहले बसनीकें दी सुरक्षा सरबन्धी कम्मं बारै चर्चा कीती। राणा होंरें लोकें गी बेल्ले सिर मदाद उपलब्ध करोआने, सामुदायिक बंकरें दा निर्माण करने ते सेहत मैहकमे च अमले दी कमी जनेय महत्वपूर्ण मामलें गी लेइयै सरकार दी वचनबद्धता गी फही पक्का कीता।

<><><><><><>

Div Com Poonch Visit

तोआई जम्मू दे डिवीजनल कमिशनर रमेश कुमार होंरें पुंछ जिले दा दौरा लाइयै पिच्छले दिनें पाकिस्तानी गोलाबारी करी प्रभावित होए दे इलाकें च बने दे हालात ते राहत सरबन्धी जतनें दा जायजा लैता। उनें प्रभावत परोआरें ते मुकामी बसनीकें कन्नै मलाटी कीती ते उनेंगी फौरी सहायता दा जकीन दोआया। अपने दौरे दरान डिवीजनल कमिशनर होंरें अधिकारिं गी हुकम रसाल कीता जे ओह इलाके च होए दे नुक्सान ते ओहदे ऐवज च दित्ते जाने आहले मुआवजे दा आकलन करन। उनें मुकामी बसनीकें गी जकीन दोआया जे बादू बंकरें दे निर्माण सने उं'दिं होरनें जायज मंगें गी सरकार अगगे रक्खेआ जाहगा

तांजे उं'दी सुरक्षा ते आबादकारी जकीनी बनाई जाई सकै। इस सरबंधे च मीडिया कन्नै गल्ल करदे होई डिवीजनल कमिशनर रमेश कुमार होरें आखेआ

<><><><><><>

Udh. Amamath

इस बरे दी श्री अमरनाथ जी दी जात्तरा गी सुचारू ढंगे सिर करोआने लेई उधमपुर जिला प्रशासन आसेआ कुसै बी आपातकालीन स्थिति दौरान श्रद्धालुएं गी सुविधा उपलब्ध करोआने लेई व्यापक तैयारियां शुरू कीतियां गेइयां ना। टिक्करी थवां चनैनी तगर दे 52 किलोमीटर दे पैंडे च 26 केंद्र कायम कीते गेन। इंदी समर्थ 5 जहार यात्रिएं गी ठहराने दी ऐ। इस बारै होर जानकारी स्हाड़े जिला संवाददाता थवां।

<><><><><><>

ITI-Ramban

मुकामी युवाएं गी सशक्त बनाने दे जल्ल तैहत आई.टी.आई रामबन दे हुनर विकास मैहकमे आसेआ 15 मई थवां शुरू होआ रदे 2025-26 आहले शैक्षणिक सत्र च दाखले लेई आनलाइन आवेदन शुरू कीता गेआ ऐ। आई.टी.आई रामबन, बनिहाल ते गूल आसेआ ... ते .. लेई तकनीकी ते पेशेवराना सिखलाई मुफ्त दिती जागं एहू कोर्स 6 महीने थवां लेइयै 2 बरे तगर देन। इस बारै होर जानकारी दिंदे होई आई.टी.आई रामबन दे सुप्रिंटेंडेंट परवेज इकबाल होरें आखेआ।

<><><><><><>